

# BATAYOKO AGINDUEN

BERRITZEA,

ETA LENBIZIKO KOMUNIOAREN OROIMENA.



Kristau bizitza on ta  
Jesús-en Fedean,  
Bere laguntzarekiñ  
Iraun ill-artean:  
Ara, zeru ta lurrak,  
Aditu batean,  
Nik zer agindu nuan  
Batayatutzean.

Eziñ eman eskerrak  
Nik bear adiña,  
Ikusirik Jainkoa  
Zeiñ dedan ongiña:  
Lagundu, zerutarrak  
Neri alegiña,  
Esker-oneko nadiñ  
Leyal eta piña.

Leyal izango nazu  
Bai ¡Jesús maitea!  
Agindu nizun dana  
Nai det betetzea:

Batayoko graziya  
Eder gordetzea,  
Eta kristau birtutez  
Beti loretzea.

¡Orduban, bai, ninzala  
Berriro jayotu,  
Pekatu kutsutikan  
Izanik garbitu:  
Graziyara jayota  
Oso aingerutu,  
Jainkoaren semetzat  
Gañera gelditu!

Jesús-en soldadu naiz  
Anai eta seme,  
Egingo diot gerra  
Luziferri irme:  
Mundu-tzar arro, eta  
Griñ okerrai ere,  
Gerra beti, zerura  
Igo nadiñ arte.

JOSÉ IGNAZIO ARANA—KOAK.

